

Gyongfaexcuk Gveilinz

□ Maj Veiyungz comz hoiz



▲ Aen gyongfaexcuk
gyaqciq ndeiyawj.

▲ Ndaek roq gyong-
faexcuk banjdaez lai.

◀Gyoengq canghyienj aen doih gyongfaexcuk bae henz dah baizlien.



▲ Gyoengq canghyienj
ciengzciengz doxcomz boiq-
hab lienh ciengq.



▲ Heiq gyongfaexcuk
hwnj daizheiq hung yienj.



▲ Aen doih gyongfaexcuk
“ngoenggoenz ciengq” ciengzseiz
youq henz Huzgveiq biujyienj.



▲ Canghyienj gyongfaexcuk haeuj
hagdangz son siujhagseng yienjciengq.

Gyongfaexcuk caemh heuhguh gyongjdauh、gimzfaexcuk. Gyongfaexcuk Gveilinz vunz heuhguh dauhcingz lai, dwg gij yisuz gangj ciengq conzdungj Bouxgun Gveilinz. Daj diuz Mienglingz vat doeng dawz Dahcangzgyangh caeuq Dahcuhgyangh doxciep hwnjdaej le, gij vwnzva Cunghyenz couh mbouj dingz mbouj duenh cienz haeuj Gveilinz daej, bienqbaenz gij vwnzva minzsug gag miz daegsaek haenx, gyongfaexcuk Gveilinz couhwdg ndawde aen daiqbiuj ndeu. Mingzciuz bi doeklaeng、Minzguk seiz cungj miz canghheiq gyongfaexcuk Huznanz daej daengz Gveilinz cienzciengq gyongfaexcuk, youh youq gizde youqdingh.

“So so so la do do ci mi do ci mi fa so” dwg gij diuh gyongfaexcuk

ceiq goekdaej haenx. Gyongfaexcuk faen miz lohbaek caeuq lohnanz, gij diuh lohbaek haemq sang haemq gok, gij lohnanz cix haemq duemh haemq rwenz. Seiz lwnhgangj cawjdaez yungh lohbaek lai, gij diuh de haemq angqyangz; gij goswz conzdungj cix dwg yungh lohnanz haemq lai, lumjbaenz “ndit haemh veq sae roeg haeuj rongz, dongzdax dongzdax, ci so ci mi so, baenz sueng baenz doiq gig vaiqvued……” Doenghbaez, gyongfaexcuk Gveilinz cawjdaez aeu aengyong caeuq bajbenj ma buenxcienq, seizneix menhmenh fatlai baenz gij vunqsik minzyoz buenxcienq, baugvat cung’ yonj roxnaeuz bizbaz. Gyongfaexcuk dwg aeu go-ndoeck ciggingq aiq miz cib’ it goengfaen raez, song cik sang haenx ma guhbaenz, najgyong ndaej aeu naengngwz、naengduzgoep roxnaeuz naengmou ma goemq hwnjbae, linghvaih caiq aeu genjbanj、ngeihyienz、cungyienz、nyiedgimz、cungyonj、samyienz、aendig、aendeb、cenjlaej daengj guh dapboiq ma yungh. Gij hingzsis yienjciengq miz song cungj, it dwg “dwk gyongj dog”, couhwdg boux ndeu fwngzswix umj gyongfaexcuk, fwngzgva ndaek gyong, gag roq gag ciengq; ngeih dwg gij hingzsis daiq buenxcienq, haenx miz song vunz gap aen cuj、sam vunz gap aen cuj、haj daengz caet bet vunz

engqlj cib lai vunz gap aen cuj daengj. Song vunz gap aen cuj dwg bouxcienq de giem daz cawjyienz, boux linghvaih ndaek gyong; bouxcienq de sam vunz gap aen cuj haenx giem daz cawjyienz, linghvaih caiq miz bouxndaekgyong dem bouxboiqyienz.

Laeng dieg baihbak Gvangjsih, miz vunzlaux gvaqseiq、vunzlaux guhsouh、aebawx haqsau caeuq ndaw mbanj gij miuhhoih conzdungj, gyoengqvunz gizde cungj yaek cingj canghheiq gyongfaexcuk daej ciengq. Cij aenvih yienghneix, gyongfaexcuk cungj dwg ciengq guhhong dajndaem、gij saedcej gyoengqvunz lai. Gij go gyoengqde ciengq haenx gig dep diegheiq, yungzheih yinxndaej vunzlai doxhap; gij goswz de dinjdet, aeu vahdoj ma ciengq, doengsug dingq rox; gij diuh de boeksad riengjret, gij banjsik bienq bae bienq dauq lwnhdoi ok gij gojgaeq fungfouq lai yiengh haenx, gyoengqvunz cungj maj ciengzciengq. Aen seiqgeij gonq betcib nienzdaih, miz vunz youq Cenzcouh Yen Doengsan Yauzcuz Yangh Ginjyungz Cunh soucmz ndaej bonj 《Geiq Samgux》 ndeu, bonj swz ciengq gyongfaexcuk neix aeu benjfaex deu baenz, dwg Lij Guihdenz seiz Gvanghsi samcib sam nienz deugh haenx. Bonj sawfaex neix miz roek bak geij coenz, ranzranz hohhoh、bouxlaux lwngyez laeng Hingh’ anh、Cenzcouh、Gvanyangz、Swhyenz daengj yienh rox caez.

Gyongfaexcuk Gveilinz dwg ngauq “rinvaqsig lij lix” youz gij vwnzva lai dieg yungzhab baenz ndeu, daj ndawde ndaej yawjraen lai cungj saedcej lajbiengz ciuhgeq, doiq mumaq gij lizsij ndwenngoenz、lizsij gangjciengq Gvangjsih gig miz yiyi. Bi 2014, gyongfaexcuk Gveilinz ndaej senj haeuj buek daihseiq guekgya gaep feihvuzciz vwnzva yizcanj mingzloeg.



▲ Siujhagseng yienj
ciengq gyongfaexcuk.



▲ Gyongfaexcuk youq
rangh dieg Gveilinz hwnghoengh.



▲ Canghheiq leihyungh
ngoenz cuengqgyaj son siuj-
hagseng yienj ciengq.